

تبریز بازاری دنیائین لاپ بۆیوک معمارلیق جایزه‌سینی قازاندى

-1389دا دنیائین بیرینجی و لاپ بۆیوک اوست اورتولو بازار کیمی یونسکوتون میراث سیاهی‌سیندا ثبت اولان تبریزین تاریخی بازارى، دنیائین لاپ بۆیوک معمارلیق جایزه‌سینی قازاندى.

«آقاخان» معمارلیق جایزه‌سى، اوچ ایلدن بیر دنیائین بیر و یا نچه دیری معمارینا وئریلر. بو جایزه، مالی لحاظدان دنیائین لاپ بۆیوک معمارلیق جایزه‌سیدیر. بو جایزه‌نین مقصدی معمارلیغین پاخجی نمونه‌لرینی تانیتمه‌دیر.

بو بیر میلیونلوق جایزه‌نى قازانماق اوچون 20 نامزد تانیتمه‌یلمیشدی کی ایران‌دان اولان ایکى پروژه‌نین بیرى تبریزین تاریخی بازاریدى.

-2013جو ایلین آقاخان جایزه‌سى بشش : سودان، ایران، مراکش، فلسطین و اتریش اۆلکه‌لرینه وئریلدى. بو جایزه‌نین مبلغی بشش اۆلکه آراسیندا بۆلونور. بئله‌لیکله تبریز بازارىنین مرمتی اوچون وئریلن جایزه‌نین مبلغی 200 مین دولار اولور.

فرهنگی میراث سازمانی‌نین نماینده‌سى جایزه‌نى آلمان اوچون پرتغال اۆلکه‌سینه گئدیپ. جایزه گلندن سونرا اونون نچه خرج‌لنمه‌سى باره‌ده تصمیم توتولاجاق.